

襄陵縣志卷之二十

仙釋

函關鷲嶺之說好異者樂道而守正者力絕要之賢哲

固盛世之鳳麟而仙釋亦塵寰之雲鶴如崔真人金碧

峯若而人者古既傳其名不妨仍而志之

唐無名老人

本縣人俗姓陶其母賈氏夢青衣童捧金盤獻一果如瓜半紅半黃言上仙賜汝無名果

也因孕十三月而生性沉靜寡欲舉動與群兒異嘗隨丹陽馬祖師過閑服勤三年別馬凡七年忽覺一日讀太上西昇經豁然有省謂同行曰我今還鄉去也年前有韶州王氏請住菴我已許往已而王氏果

襄陵縣志

卷之二十

仙釋

一

至卽索湯沐畢振衣留辭安然而逝年八十有六平生所著詩皆仙家事其語頭頭見道非烟火人所及也

曇 璲

王姓父成母皇甫氏因無子禱於佛寺有孕開元癸丑志樂出家禮鳳翔天寶妙覺禪師寶應

元年至襄陵崇山二兔引徑入山嶺起浮屠修道戒行清潔龍神聽講後證正果土人為立寺廟遇旱禱雨立應廣德二年晉絳太守張光俊楊子宏表聞代宗賜寺額曰普救號慈濟太師

元 酈希誠

本縣萬聖觀道士生而骨法高古丰神迥異見者莫不肅畏年十五決意入道其教以苦節危

行為要妄取於人於是見知憲宗內出冠服以贈仍給紫衣三十襲與從者世祖命其徒孫德福統轄諸路真人道錫銅章後改錫銀印至元年上昇御葬仙塋今有碑撰記

景素陽

京安朝陽觀道士師事梁古賓元末兵亂鄉人匿山中惟素陽與師不去兵至求財不得欲殺

古賓素陽曰師老矣願以身代兵即以刀砍素陽刀忽斷為三兵皆驚異羅拜而去

明金碧峯

本縣聖壽寺僧嘗遊五臺後成正覺洪武太祖詔至闕廷言論稱旨御製詩以賜之後還仍賜

織金袈裟一襲佛經一函年逾七十而化

崔真人

名孟傳北人幼喪親並無婚娶黃冠野服隻身雲遊有五嶽為廬十洲為胸之意從族兄

授醫學雲得壺公妙術萬曆朝太后病篤真人名醫詔自簾孔引線侯脉投劑立愈上賜官

賜金皆不受遂賜以真人號後於武當羽化自號朴菴

隱逸

陶唐席老師

席村人其名未聞即古之席公也以播種耕稼為事每擊壤而歌於路曰耕田而食鑿井

而飲日出而作日入而息帝力於我何有哉堯聞而嘉之尊為老師云

巢父

荆村人年老以樹為巢居其上人稱為巢父與許由友堯以天下讓由由告巢父巢父曰汝何不隱

汝形藏汝光非吾友也乃擊其膺而下之過清冷之水洗其耳拭其目許由悵然不自得曰嚮者聞言負

吾友遂去終身不相見樊仲父牽牛飲之見巢父洗耳驅牛而還恥令其牛飲下流也今有水名巢溪祠

在其

元柴潛道

通城人志高尚博極群書工於祠翰不樂仕進授教鄉里號秋巖莊靖處士嘗集古詩一帙名

襄陵縣志

卷之二十

隱逸

一

秋巖小藁行於世

邢泰亨

字保宇祭酒裔修祠祀先緝書訓後好稱說古孝友事大小法書如銀鈎鐵畫優游田居終其

身不求聞達

喬運閔

生員賦性端凝理學邃精設教聚徒裨益後進所著有雅音論繹意太極圖集說韻始適我集

學庸朱呂叅諸書

吳如英

字渭川中梁村人生員嗜古淹通詩尤工細皓首窮經有移山詩規行世

張迎恩

南鄧村人庠生性恬退不樂仕進遇名山佳境輒率子弟游息其間喜推解中年家落資岐黃

為業壽至八十四遺命薄葬

仇成瑜

字佩齋性耽山水喜吟咏入庠後棄舉子業恣意嘯咏遊覽自適著有綠天山房詩草河中蓬

飛小稿太華游草關中

雪泥集尺牘行世

襄陵縣志

卷之二十

隱逸

一一

流寓

明王恕

三原人字貫道與邢祭酒同榜而相好每道過襄愛興樂寺之清幽望雲看山輒流連久之寺

多題咏今猶有存者

朱之蕃

金陵人萬曆乙未狀元與高忠節沈京兆李司馬為同年友嘗留榻於忠節腴壁書院觴咏流

連窮山水之勝大書龍峪石門縮秀四字筆力雄健

國朝

胡希聖

臨汾人字見我家於襄赤貧苦學丙戌成進士歷官袁州知府致仕家居二十年不出戶

劉五瓏

吉州人字霖蒼拔貢由山陽令歷任郎中出守安慶清潔自勵致仕日歸橐蕭然寄籍本縣里

襄陵縣志

卷之二十

流寓

一

巷間不知其為故太守也

郭永豐

字宣子號北郭臨汾人善詩文精草書為人坦易和平與邑之士夫友多題咏書法流傳人奉

為拱壁

萬樹

字紅友吳人邑之名勝殊多題咏

鄭定

字成之鄉寧人精岐黃術多奇驗

劉元琦

字荆山五瓏子知江西瑞州府事雍正辛亥葬於浪泉村五里北郊四子長廷錫次廷鐸三廷

銓四廷鑑

劉廷錫

知廣西思恩府事

劉廷鐸 雍正己酉拔貢任垣曲縣教諭

劉廷銓 候選州判

劉廷鑑 候選州同二子長浩次潤

劉浩 乾隆丁酉拔貢知直隸正定縣事

劉潤 乾隆己酉拔貢子乙臨

劉乙臨 道光丁酉拔貢候選州判後改教職

劉玉堦 道光丁未歲貢